

Cuntas Leithreasa 2022

Vóta 3

Oifig an Ard-Aighne

Réamhrá

Mar Oifigeach Cuntasaíochta do Vóta 3, ceanglaítear orm an cuntas leithreasa don Vóta a ullmhú gach bliain, agus an cuntas a chur faoi bhráid an Ard-Reachtair Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh sa bhliain dar chríoch an 31 Nollaig 2022 ar thuarastail agus speansais Oifig an Ard-Aighne, lena n-áirítear deontas.

Cuirtear an toradh maidir le caiteachas i gcomparáid leis na suimeanna arna ndeonú ag Dáil Éireann faoin Acht Leithreasa, 2022, lena n-áirítear an tsuim a d'fhéadfaí a úsáid mar leithreasaí-i-gcabhair ar mhaithe le caiteachas don bhliain.

Dlítear barrachas €13.472 milliún lena ghéilleadh don Státchiste.

Is cuid den chuntas iad an Ráiteas faoi Pholasaithe agus faoi Phrionsabail Chuntasaíochta agus nótaí 1 go 5.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chaighdeánacha chuntasaíochta, maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe i gclár 22 de 2022, i bhfeidhm agus an cuntas á ullmhú.

Ráiteas faoi Rialú Inmheánach Airgeadais

Freagracht as an gcóras rialaithe inmheánaigh airgeadais

Mar Oifigeach Cuntasaíochta, admhaím an fhreagracht atá orm as a chinntiú go gcoimeádann agus go bhfeidhmíonn an Oifig córas éifeachtach rialaithe inmheánaigh airgeadais.

Cleachtaim an fhreagracht seo i gcomhthéacs na n-acmhainní atá ar fáil dom agus mo fhreagrachtaí eile mar Ard-Stiúrthóir/Ceann Oifige. Chomh maith leis sin, ní féidir le haon chóras rialaithe inmheánaigh airgeadais ach ráthaíocht réasúnach seachas dearbhráthaíocht a thabhairt go gcosnaítear sócmhainní, go ndéantar idirbhearta a údarú agus a thaifeadadh go cuí, agus go ndéantar earráidí ábhartha nó mírialtachtaí eile a chosc nó go ndéanfaí iad a aimsiú go tráthúil. Is próiseas leanúnach é an córas rialaithe inmheánaigh airgeadais a chothabháil agus coinnítear an córas agus a éifeachtacht faoi athbhreithniú leanúnach.

Seirbhísí comhroinnte

Soláthraíonn an Oifig Náisiúnta um Sheirbhísí Comhroinnte (Vóta 18) feidhmeanna párolla agus acmhainní daonna ar bhonn seirbhísí comhroinnte. Tá Oifigeach Cuntasaíochta na hOifige Náisiúnta um Sheirbhísí Comhroinnte freagrach as rialuithe a oibriú laistigh de na hIonaid Seirbhísí Comhroinnte.

Tá mo chuid freagrachtaí maidir le ceanglais an chomhaontaithe bainistíochta seirbhísí idir an Oifig seo agus an Oifig Náisiúnta um Sheirbhísí Comhroinnte chomhlíonta agam i ndáil le seirbhísí comhroinnte acmhainní daonna agus párolla a sholáthar.

Bím ag brath ar litir dearbhaithe ó Oifigeach Cuntasaíochta na hOifige Náisiúnta um Sheirbhísí Comhroinnte á rá go bhfeidhmítear na rialuithe cuí i soláthar seirbhísí comhroinnte don Oifig seo.

Timpeallacht rialaithe airgeadais

Deimhním go bhfuil timpeallacht rialaithe ina bhfuil na heilimintí seo a leanas i bhfeidhm.

- Sannadh freagrachtaí airgeadais ar leibhéal an lucht bainistíochta le cuntasacht chomhfhreagrach.
- Bunaíodh socruithe tuairiscithe ar gach leibhéal ar ar sannadh freagracht as bainistíocht airgeadais.
- Bunaíodh nósanna imeachta foirmiúla chun teipeanna suntasacha rialaithe a thuairisciú agus chun gníomhaíocht cheartaitheach chuí a chinntiú.
- Tá Coiste Iniúcháireachta ar bun chun comhairle a chur ormsa maidir le comhlíonadh mo chuid freagrachtaí as an gcóras rialaithe inmheánaigh airgeadais.
- Rinneadh doiciméadú ar na nósanna imeachta le haghaidh gach príomhphróisis gnó.
- Tá córais i bhfeidhm chun na sócmhainní a chosaint.

Rialuithe riaracháin agus tuairisciú bainistíochta

Deimhním go bhfuil creat um nósanna imeachta riaracháin agus tuairisciú rialta lucht bainistíochta i bhfeidhm, lena n-áirítear deighilt dualgas agus córas tarmilgín agus cuntasachta agus, go háirithe

- go bhfuil córas buiséadaithe cuí ann le buiséad bliantúil a gcoinníonn an lucht ardbhainistíochta é faoi athbhreithniú
- go ndéanann an lucht ardbhainistíochta athbhreithnithe tráthrialta ar thuarascálacha airgeadais tréimhsiúla agus bliantúla ina léirítear feidhmíocht airgeadais i gcoinne réamhaisnéisí
- go bhfeidhmítear córas bainistíochta riosca laistigh den Oifig
- go bhfuil córais ann atá dírithe ar shlándáil na gcóras teicneolaíochta faisnéise agus cumarsáide a chinntiú
- go bhfuil treoirlínte cuí rialaithe infheistíochta caipitil ann agus go gcloítear le disciplíní foirmiúla bainistíochta tionscadail.

Iniúchadh inmheánach agus an Coiste Iniúcháireachta

Deimhním go gcoinníonn an Oifig feidhm iniúcháireachta inmheánaí ar bun trí chomhaontú conartha le cuideachta ghairmiúil iniúcháireachta le pearsanra atá oilte go cuí, a fheidhmíonn de réir cairt scríofa atá ceadaithe agamsa. Bíonn a cuid oibre bunaithe ar anailís ar na rioscaí airgeadais a bhfuil an Oifig neamhchosanta orthu agus tá a pleananna bliantúla iniúcháireachta inmheánaí, a d'fhormheas mé féin, bunaithe ar an anailís sin. Tá sé mar aidhm ag na pleananna sin na príomhrialuithe a chlúdach ar bhonn rollach thar thréimhse réasúnach. I gcomhar leis an gCoiste Iniúcháireachta, déanaim athbhreithniú tréimhsiúil ar an bhfeidhm iniúcháireachta inmheánaí. Chuir mé nósanna imeachta i bhfeidhm chun a chinntiú go ndéantar gníomhaíocht leantach i de bhun thuairiscí na feidhme iniúcháireachta inmheánaí.

Soláthar

Deimhním go gcinntíonn an Oifig go bhfuil béim chuí ann ar dhea-chleachtas nuair a bhítear ag ceannach agus go bhfuil nósanna imeachta i bhfeidhm chun comhlíonadh gach treoirlíne ábhartha a chinntiú.

Tá mionsonraí tugtha ag an Oifig faoi chonarthaí neamhiomaíocha sa tuairisceán bliantúil maidir le ciorclán 40/2002 don Ard-Reachtaire Cuntas agus Ciste agus don Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe.

Neamhchomhlíonadh na rialacha soláthair

Chomhlíon an Oifig na treoirlínte seachas i gcás conradh amháin (sa bhreis ar €25,000). Dámhadh conradh dar luach €100,237 gan próiseas iomaíoch le haghaidh seirbhísí dréachtaithe parlaiminte. Measadh é a bheith neamhchomhlíontach mar nach raibh an conradh faoi réir próiseas iomaíoch sa bhliain mar gheall ar chineál speisialaithe na hoibre atá i gceist, mar gheall ar fhíorphráinn na reachtaíochta a bhí de dhíth agus mar gheall ar an ngá le clár reachtaíochta an Rialtais a chomhlíonadh.

Tá an conradh thuas curtha ar áireamh sa tuairisceán bliantúil i ndáil le ciorclán 40/2002 dá dtagraítear thuas.

Ghlac an Oifig páirt i roinnt próisis tairisceana le cúpla bliain anuas chun daoine aonair atá cáilithe go cuí a mhealladh.

Creat riosca agus rialaithe

Tá córas bainistíochta riosca curtha chun feidhme ag an Oifig lena sainiúntear agus lena dtuairiscítear príomhrioscaí agus na bearta bainistíochta atá á ndéanamh chun aghaidh a thabhairt ar na rioscaí sin agus, a mhéid is féidir, chun iad a mhaolú.

Tá clár rioscaí i bhfeidhm lena sainiúntear na príomhrioscaí atá os comhair na hOifige agus rinneadh iad sin a shainiúint, a mheas agus a ghrádú de réir a dtábhachta. Déanann an Coiste Comhairleach Bainistíochta (CCB) athbhreithniú agus nuashonrú ar an gclár ar bhonn débhlíantúil. Úsáidtear toradh na measúnuithe sin chun acmhainní a phleanáil agus a leithdháileadh chun a chinntiú go mbainistítear na rioscaí de réir leibhéal inghlactha.

Mionsonraítear sa chlár rioscaí na rialuithe agus na bearta is gá chun rioscaí a mhaolú agus an fhreagracht as oibriú rialuithe a shanntar do bhaill foirne shonracha.

Monatóireacht agus athbhreithniú leanúnach

Bunaíodh nósanna imeachta foirmiúla chun monatóireacht a dhéanamh ar phróisis rialaithe agus na heasnamh rialaithe a chuirtear in iúl go tráthúil dóibh siúd atá freagrach as gníomhaíocht cheartaitheach a dhéanamh, don lucht bainistíochta agus don Choiste Comhairleach Bainistíochta (CCB), nuair is ábhartha. Deimhním gur sainiúntar príomhrioscaí agus rialuithe gaolmhara agus gur cuireadh próisis i bhfeidhm chun monatóireacht a dhéanamh ar oibriú na bpríomhrialuithe sin agus chun aon easnamh a sainiúntar a thuairisciú.

Athbhreithniú ar éifeachtacht

Deimhním go bhfuil próisis ag an Oifig chun monatóireacht a dhéanamh ar éifeachtacht a nósanna imeachta bainistíochta riosca agus rialaithe. Bíonn monatóireacht agus athbhreithniú na hOifige ar éifeachtúlacht an chórais rialaithe inmheánaigh airgeadais bunaithe ar obair na n-íniúcháirí inmheánacha agus seachtracha agus an lucht ardbhainistíochta laistigh den Oifig atá freagrach as an gcreat rialaithe inmheánaigh airgeadais a fhorbairt agus a chothabháil.

Saincheisteanna rialaithe inmheánaigh airgeadais

Níor sainaithníodh aon laigí i rialú inmheánach airgeadais a bhí le nochtadh sa chuntas leithreasa maidir le 2022.

Saincheisteanna rialaithe Covid-19

Is féidir liom a dheimhniú go bhfuil na rialuithe atá ann cheana agus na cinn a tugadh isteach de dheasca phaindéim Covid-19 fós éifeachtach.

Damien Moloney
Oifigeach Cuntasaíochta
Oifig an Ard-Aighne

23 Márta 2023

Ard-Reachtaire Cuntas agus Ciste

Tuarascáil le cur faoi bhráid Thithe an Oireachtais

Vóta 3 Oifig an Ard-Aighne

Tuairim ar an gcuntas leithreasa

Tá iniúchadh déanta agam ar an gcuntas leithreasa do Vóta 3 Oifig an Ard-Aighne don bhliain dar chríoch 31 Nollaig 2022 faoi Alt 3 d'Acht an Ard-Reachtaire Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáltais agus an caiteachas a bhain le Vóta 3 Oifig an Ard-Aighne don bhliain dar chríoch 31 Nollaig 2022, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí, Seachadta ar an bPlean Forbartha Náisiúnta, agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san aguisín leis an tuarascáil seo. Níl baint ná páirt agam le hOifig an Ard-Aighne agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuairisc ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas faoi rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm le tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta san aguisín leis an tuarascáil seo.

Níl aon rud le tuairisciú agam ina leith sin.

Seamus MacCárthaigh

Ard-Reachtaire Cuntas agus Ciste

27 Meitheamh 2023

Aguisín leis an tuarascáil

Freagrachtaí an Oifigigh Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na *Nósanna Imeachta Airgeadais Phoiblí* ón Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe agus ordacháin eile ón Aire Caiteachais Phoiblí, Seachadta ar an bPlean Forbartha Náisiúnta, agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhíráiteas ábhartha, bíodh calaois nó earráid mar chúis leis.

Freagrachtaí an Ard-Reachtaire Cuntas agus Ciste

Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáltais agus an caiteachas a bhaineann leis an vóta i láthair go cuí sa chuntas.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach tá an cuntas leithreasa saor ó mhíráiteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúcháireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán a d'fhéadfaí a bheith ag súil leis le réasún go rachadh siad i bhfeidhm ar chinntí eacnamaíocha a dhéanann úsáideoirí ar bhonn an chuntais leithreasa.

Mar chuid d'iniúchadh a dhéantar de réir na gCaighdeán Idirnáisiúnta um Iniúcháireacht, úsáidim breithiúnas gairmiúil agus coinnim sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaithint agus measúnú ar na rioscaí a bhaineann le míráiteas ábhartha sna cuntas leithreasa, bíodh calaois nó earráid mar chúis leis; ceapaim nósanna imeachta iniúcháireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithe míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.

- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúcháireachta a cheapadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta Airgeadais Phoiblí* ón Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe.

Déanaim cumarsáid leis an Oifigeach Cuntasaíochta maidir le raon feidhme agus uainiú beartaithe an iniúchta agus le fionnachtana suntasacha an iniúchta, lena n-áirítear aon easnamh shuntasacha i rialú inmheánach a shainithním le linn m'iniúchta, i measc ábhair eile.

Tuairiscím trí eisceacht i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaíochta chun mé a chumasú iniúchadh réidh cuí a dhéanamh ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas faoi rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca leis an iniúchadh ar an gcuntas leithreasa, ceanglaítear orm faoi na Caighdeáin Idirnáisiúnta um Iniúcháireacht an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhsheasmhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha, ceanglaítear orm an fóras sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadais. Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, tuairisciú i gcás go sainaithním aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna tuarascálacha iniúcháireachta ar na cuntais leithreasa lena mbaineann don chaibidil ábhartha/do na caibidlí ábhartha sa *Tuarascáil ar Chuntais na Seirbhísí Poiblí* uaim, ar tuarascáil bhliantúil í.

Vóta 3 Oifig an Ard-Aighne

Cuntas Leithreasa 2022

		2022	2021
	Soláthar meastacháin	Toradh	Toradh
	€000	€000	€000
Caiteachas an chláir			
A	Seirbhísí dlí gairmiúla a sholáthar don Rialtas, do Ranna agus d'Oifigí.	33,991	16,707
Ollchaiteachas			
	<i>Lúide</i>		
B	Leithreasaí-i-gcabhair	705	556
Glanchaiteachas			
		33,286	19,814
		19,814	16,151

Barrachas

Tá barrachas na suime a soláthraíodh os cionn na glansuime a feidhmíodh dlite lena ghéilleadh don Stáitchiste.

	2022	2021
	€	€
Barrachas le géilleadh	13,471,619	602,635

Damien Moloney
Oifigeach Cuntasaíochta
Oifig an Ard-Aighne

23 Márta 2023

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2022

		2022	2021
	€000	€000	€000
Costas an chláir		2,316	2,460
Pá		13,007	11,601
Neamhphá		5,122	2,646
Ollchaiteachas		20,445	16,707
<i>Lúide</i>			
Leithreasaí-i-gcabhair		631	556
Glanchaiteachas		19,814	16,151
Athruithe ar shócmhainní caipitil			
Ceannacháin - airgead tirim	(189)		
Gnóthachan ar dhiúscairtí	(6)		
Diúscairtí – airgead tirim	6		
Dímheas	181	(8)	123
Athruithe ar ghlansócmhainní reatha			
Méadú ar fhabhruithe deiridh	81		
Laghdú ar fhardail	38	119	176
Caiteachas díreach		19,925	16,450
Caiteachas a tabhaíodh in áit eile			
Glanchaiteachas ar sheirbhísí gaolmhara (nóta 1.1)		2,786	3,510
Measchíosanna		791	791
Glanchoistas an chláir		23,502	20,751

1.1 Glanchaiteachas ar sheirbhísí gaolmhara

Tá suim an ghlanachaiteachais ar sheirbhísí gaolmhara comhdhéanta de na suimeanna seo a leanas maidir le Vóta 3 a tabhaíodh in áit eile.

		2022	2021
		€000	€000
Vóta 12	Aoisliúntas agus Liúntais Scoir	2,251	2,809
Vóta 13	Oifig na nOibreacha Poiblí	189	357
Vóta 18	An Oifig Náisiúnta um Sheirbhísí Comhroinnte	14	14
Vóta 43	Oifig Phríomh-Oifigeach Faisnéise an Rialtais	24	24
An Príomh-Chiste: pinsin i ndáil le hiarArd-Aighní		308	306
		2,786	3,510

Nóta 2 Ráiteas faoin Staid Airgeadais ag an 31 Nollaig 2022

	Nóta	2022 €000	2021 €000
Sócmhainní caipitil	2.1	376	368
Sócmhainní reatha			
Fardail	2.2	—	38
Réamhíocaíochtaí	2.3	274	354
Ioncam fabhraithe	2.4	1	—
Iarmhéideanna dochair eile	2.5	119	50
Glanmhaoiniú Státchiste	2.8	340	58
Iomlán na sócmhainní reatha		734	500
Lúide dliteanais reatha			
Banc agus airgead tirim		459	18
Speansais fhabhraithe	2.6	400	398
Iarmhéideanna creidmheasa eile	2.7	—	90
Iomlán na ndliteanas reatha		859	506
Glansócmhainní reatha		(125)	(6)
Glansócmhainní		251	362
Arna léiriú ag:			
Cuntas maoinithe Stáit	2.9	251	362

2.1 Sócmhainní caipitil

	Troscán agus feistis €000	Trealamh oifige €000	Iomlán €000
Ollsócmhainní			
Costas nó luacháil ag an 1 Eanáir 2022	1,692	5,204	6,896
Breiseanna	12	177	189
Diúscairtí	(10)	(3,527)	(3,537)
Costas nó luacháil ag an 31 Nollaig 2022	1,694	1,854	3,548
Dímheas carntha			
Iarmhéid tosaigh ag an 1 Eanáir 2022	1,659	4,869	6,528
Dímheas don bhliain	7	174	181
Dímheas ar dhiúscairtí	(10)	(3,527)	(3,537)
Dímheas carnach ag an 31 Nollaig 2022	1,656	1,516	3,172
Glansócmhainní ag an 31 Nollaig 2022	38	338	376
Glansócmhainní ag an 31 Nollaig 2021	33	335	368

2.2 Fardail

ag an 31 Nollaig	2022 ^a €000	2021 €000
Stáiseanóireacht	—	16
Ábhair inchaite TF	—	22
	—	38

Nóta ^a Ag tosú sa bhliain 2022, cláraítear earraí mórmhéide íseal-luacha mar chaiteachas go hiomlán sa bhliain, agus ní chláraítear iad mar fhardal a thuilleadh.

2.3 Réamhíocaíochtaí

	2022 €000	2021 €000
Tacaíocht bogearraí	198	192
Seirbhísí leabharlainne	76	158
Réamhíocaíochtaí eile	—	4
	274	354

2.4 Ioncam fabhráithe

ag an 31 Nollaig	2022	2021
	€000	€000
Aisiocaíochtaí Coimirce Sóisialaí	1	—

2.5 Iarmhéideanna dochair eile

ag an 31 Nollaig	2022	2021
	€000	€000
Oifig na nOibreacha Poiblí	99	37
Óinchestí taistil	—	1
Scéim in-fhorchúitithe pasanna taistil	8	9
Cuntas ar chostais comhroinnte	9	—
Míreanna dochair eile ar fionraí	3	3
	119	50

2.6 Speansais fhabhráithe

ag an 31 Nollaig	2022	2021
	€000	€000
Saineolas dlí ar conradh ^a	312	363
Costais riaracháin eile	88	35
	400	398

Nóta ^a Fabhrúithe €247,000 i ndáil le híocaíochtaí toisc go raibh baill den mheitheal ag tabhairt faoi obair maidir leis an tionscadal um dhlíthe pleanála a athbhreithniú agus a leasú, tá siad ar áireamh san fhigiúr thuas maidir le saineolas dlí ar conradh. Mar sin féin, tá dlíteanais bhreise fhéideartha ar an Oifig maidir le hobair a rinneadh ar an tionscadal sin in 2022 toisc nár cuireadh isteach roinnt nótaí táillí ó abhcóidí go fóill. Táthar ag súil nach ngabhfaidh an dlíteanas féideartha a bhaineann leis na nótaí táillí atá fós le híoc thar €193,000.

2.7 Iarmhéideanna sochair eile

ag an 31 Nollaig	2022	2021
	€000	€000
Méideanna atá dlite don Stát		
Cáin shiarchoinneálach ar sheirbhísí gairmiúla	—	41
Cáin bhreisluacha	—	49
	—	90

2.8 Glanmhaoiniú Státchiste

ag an 31 Nollaig	2022	2021
	€000	€000
Barrachas le géilleadh	13,472	603
Deontas ón Státchiste nár tarraingíodh	(13,812)	(661)
Glanmhaoiniú Státchiste	(340)	(58)
Arna léiriú ag:		
Féichiúnaithe		
Iarmhéideanna dochair: fionraí	119	50
	119	50
Creidiúnaithe		
Dlite don Stát	—	(90)
Banc agus airgead tirim	(459)	(18)
	(459)	(108)
	(340)	(58)

2.9 Cuntas maoinithe Stáit

	Nóta	2022	2021
		€000	€000
larmhéid ag an 1 Eanáir		362	661
Eisíocaíochtaí ón Vóta			
Soláthar meastacháin	Cuntas	33,286	
Barrachas le géilleadh	Cuntas	13,472	
Glanvóta		19,814	16,151
Caiteachas (airgead tirim) a tabhaíodh in áit eile	1.1	2,786	3,510
Caiteachas neamhairgid thirim - measchíos	1	791	791
Glanchostas an chláir	1	(23,502)	(20,751)
larmhéid ag an 31 Nollaig		251	362

2.10 Ceangaltais

Ceangaltais dhomhanda	2022	2021
ag an 31 Nollaig	€000	€000
Earraí agus seirbhísí a fháil	986	495

Nóta 3 Caiteachas an Vóta

Anailís ar chaiteachas riaracháin

Tá an caiteachas riaracháin atá leagtha amach thíos ar áireamh i gClár A chun costais iomlána an chláir a chur i láthair.

		2022		2021
		Soláthar meastacháin	Toradh	Toradh
		€000	€000	€000
i	Tuarastail, pá agus liúntais	14,308	13,007	11,601
ii	Taisteal agus cothú	240	110	70
iii	Oiliúint agus forbairt agus speansais theagmhasacha	700	551	543
iv	Seirbhísí poist agus teileachumarsáide	125	92	116
v	Trealamh oifige agus seirbhísí TF seachtracha	700	1,007	839
vi	Costais áitribh oifige	208	116	98
vii	Seirbhísí comhairleoireachta agus athbhreithnithe ar luach ar airgead agus ar pholasaithe	35	22	21
viii	Saineolas dlí ar conradh	2,710	447	873
		19,026	15,352	14,161

Difríochtaí suntasacha

Déantar cur síos anseo a leanas ar na cúiseanna a raibh difríochtaí suntasacha i gceist (+/- 25% agus €100,000).

i Tuarastail, pá agus liúntais

Soláthar meastacháin €14.308 milliún; toradh €13.007 milliún

Sábháladh €1.301 milliún toisc nár líonadh gach post laistigh den Oifig le linn na bliana, agus post sinsearach amháin folamh don bhliain ar fad, beagnach.

ii Taisteal agus cothú

Soláthar meastacháin €240,000; toradh €110,000

Sábháladh €130,000 mar gheall ar easpa taistil i dtús na bliana de dheasca na paindéime.

v Trealamh oifige agus seirbhísí TF seachtracha

Soláthar meastacháin €700,000; toradh €1.007 milliún

Is mar thoradh ar chórais TF a bheith á n-uasghrádú go leanúnach le go mbeifear in ann cianobair a dhéanamh agus mar gheall gur suiteáladh Wi-Fi san Oifig a tháinig an barrachas €307,000 chun cinn.

vi Costais áitribh oifige

Soláthar meastacháin €208,000; toradh €116,000

Sábhaladh €92,000 toisc gur cuireadh an obair maidir le ceamaraí slándála na hOifige a uasghrádú siar go dtí 2023 mar nach raibh Oifig na nOibreacha Poiblí in ann tabhairt faoin obair in 2022.

viii Saineolas dlí ar conradh

Soláthar meastacháin €2.71 milliún; toradh €447,000

Sábhaladh €2.263m toisc go raibh íocaíochtaí le habhcóidí seachtracha agus le dréachtóirí comhairleacha parlaiminte i bhfad níos ísle ná mar a bhíothas ag súil leis.

Cuireadh maoiniú ar fáil don bhliain faoin bhfo-mhírcheann seo le go mbeadh an Oifig in ann comhairle a lorg ó abhcóidí seachtracha a dhéanfadh speisialtóireacht i réimse áirithe dlí le go mbeadh níos mó ama ag baill foirne na hOifige chun tabhairt faoi thascanna laethúla eile. Cuireadh an maoiniú breise sin ar fáil freisin le go mbeadh an Oifig agus an Stát in ann aghaidh a thabhairt go cuí ar dhlíthíocht agus, dá mba ghá, dlíthíocht a chosaint. Sa deireadh, ní raibh aon chaiteachas ag an Oifig maidir le hiarrataí ó abhcóidí seachtracha comhairle a fháil faoi réimsí áirithe dlí agus maidir leis an ngá le haghaidh a thabhairt ar dhlíthíocht agus dlíthíocht a chosaint le linn 2022. Bhí na híocaíochtaí le dréachtóirí comhairleacha parlaiminte don bhliain €267,000 níos lú ná mar a bhíothas ag súil leis toisc nach bhfuarthas gach bileog táillí do 2022 faoin deireadh bliana agus toisc go raibh an gá le dréachtóirí comhairleacha parlaiminte a fhostú in 2022 beagán níos lú ná mar a bhíothas ag súil leis ar dtús.

Clár A Seirbhísí dlí gairmiúla a sholáthar don Rialtas, do Ranna agus d'Oifigí

		2022		2021
		Soláthar meastacháin	Toradh	Toradh
		€000	€000	€000
A.1	Riarachán - pá	14,308	13,007	11,601
A.2	Riarachán - neamhphá	4,718	2,345	2,560
A.3	Ranníocaíochtaí le heagraíochtaí idirnáisiúnta	54	57	53
A.4	An Coimisiún um Athchóiriú an Dlí	2,781	2,316	2,460
A.5	Speansais ghinearálta dlí	130	36	33
A.6	Rialacháin phleanála a aontú agus a athbhreithniú	12,000	2,684	—
		33,991	20,445	16,707

Difríochtaí suntasacha

Déantar cur síos sa mhír seo a leanas ar na cúiseanna a raibh difríochtaí suntasacha i gceist i gcaiteachas an chláir. Tríd is tríd, bhí an caiteachas i gClár A €13.546 milliún níos ísle ná mar a soláthraíodh ar dtús. Bhain €3.674 milliún de sin le caiteachas riaracháin agus tá míniú tugtha ina leith cheana agus is mar gheall ar na nithe seo a leanas den chuid is mó a tharla difríocht €9.872 milliún ar an iarmhéid.

A.4 An Coimisiún um Athchóiriú an Dlí

Meastachán €2.781 milliún; réadaithe €2.316 milliún

Ba mar thoradh den chuid is mó ar choigilteas faoi phá sa Choimisiún a bhí easnamh €465,000 i gcaiteachas i gceist i gcomórtas leis an soláthar meastacháin toisc nach raibh gach post líonta an t-am ar fad le linn na bliana.

A.6 Rialacháin phleanála a aontú agus a athbhreithniú

Meastachán €12 mhilliún; réadaithe €2.684 milliún

Aontaíodh le cinneadh S180/20/10/2665 ón Rialtas, tar éis an chomhaontaithe faoi *Tithíocht do Chách*, go dtabharfaí faoi chomhdhlúthú agus athbhreithniú cuimsitheach ar an reachtaíocht phleanála. San iomlán, cuireadh maoiniú €15 mhilliún ar fáil chun tabhairt faoin tionscadal sin, ar leithdháileadh €12 mhilliún de sin i soláthar meastacháin 2022 don Oifig. Bhí easnamh €9.316 milliún i gcaiteachas i gcomparáid leis an soláthar meastacháin i gceist mar gheall, go pointe áirithe, ar chostais, a bhí níos ísle ná mar a bhíodhas ag súil leis, a bhain le baill den mheitheal ar an tionscadal chun an reachtaíocht phleanála a athbhreithniú agus a athdhréachtú toisc nár cuireadh suas le 28 mbileog táillí ó abhcóidí isteach go fóill lena n-íoc. Ina theannta sin, leithdháileadh €5.85 milliún le haghaidh na húsáide réamh-mheasta a bhainfí as abhcóidí seachtracha ar an tionscadal a dhéanfadh speisialtóireacht i réimsí sonracha reachtaíochta agus a bhféadfadh go mbeadh orthu tabhairt faoi réimsí sonracha oibre ar an tionscadal a bhaineann lena réimse sonracha saineolais. Mar a tharla, ní raibh na seirbhísí sin de dhíth.

Nóta 4 Fáltais

4.1 Leithreasaí-i-gcabhair

		2022		2021
		Measta	Réadaithe	Réadaithe
		€000	€000	€000
1	Fáltais ó ranníocaíochtaí breise aoisliúntais ar luach saothair seirbhíse poiblí	697	631	549
2	Earraí Ilghnéitheacha	8	—	7
	Iomlán	705	631	556

Nóta 5 Soláthar Foirne agus Luach Saothair

5.1 Líon na bhfostaithe

Coibhéisí lánaimseartha ag deireadh na bliana	2022	2021
Oifig an Ard-Aighne	137	145
Gníomhaireacht - An Coimisiún um Athchóiriú an Dlí	20	20
Iomlán	157	165

5.2 Pá – Oifig an Ard-Aighne

	2022 €000	2021 €000
Pá	11,788	10,506
Liúntais le haghaidh ard-dualgas, dualgais speisialta nó dualgais bhreise	73	62
Liúntais eile	14	14
Ragobair	12	13
ÁSPC an Fhostóra	1,120	1,006
Pá iomlán	13,007	11,601

5.2 Pá – An Coimisiún um Athchóiriú an Dlí

	2022 €000	2021 €000
Pá	1,162	1,466
Liúntais le haghaidh ard-dualgas, dualgais speisialta nó dualgais bhreise	—	3
ÁSPC an Fhostóra	110	103
Pá iomlán ^a	1,272	1,572

Nóta ^a Fuair an Coimisiún um Athchóiriú an Dlí deontas €2.781 milliún faoi fho-mhírcheann A.4 An Coimisiún um Athchóiriú an Dlí (€2.46 milliún in 2021). Is é an Coimisiún um Athchóiriú an Dlí a chuir na figiúirí pá a tuairiscíodh thuas ar fáil.

5.3 Liúntais agus íocaíochtaí ragoibre

	Líon na bhfaighteoirí	Faighteoirí a fuair €10,000 nó níos mó	An íocaíocht aonair is mó	
			2022	2021
			€	€
Liúntais le haghaidh ard-dualgas, dualgais speisialta nó dualgais bhreise	6	3	28,889	27,946
Liúntais eile	7	—	8,825	8,989
Ragobair	1	1	12,204	10,147
Luach saothair breise i níos mó ná catagóir amháin	2	1	28,889	28,044

5.4 Foireann na hOifige de réir banda pá

Is mar seo a leanas atá an líon fostaithe den Oifig a raibh a sochair iomlána don bhliain idir €20,000 agus €59,999 (lena n-áirítear bunphá, liúntais, ragobair; gan ÁSPC an fhostóra agus costais phinsin an fhostóra a áireamh) don bhliain airgeadais agus laistigh de gach banda €10,000 ó níos mó ná €60,000 ar aghaidh.

Banda pá (€)		Líon na bhFostaithe	
Ó	Go	2022	2021
20,000	59,999	41	48
60,000	69,999	11	17
70,000	79,999	18	18
80,000	89,999	11	8
90,000	99,999	8	12
100,000	109,999	8	10
110,000	119,999	14	13
120,000	129,999	13	6
130,000	139,999	—	—
140,000	149,999	—	4
150,000	159,999	3	2
160,000	169,999	3	5
170,000	179,999	4	—
180,000	189,999	—	—
190,000	199,999	1	—
200,000	209,999	—	2
210,000	219,999	—	—
220,000	229,999	2	—

5.5 Socruithe eile maidir le luach saothair

Áirítear sa chuntas seo caiteachas €121,207 i ndáil le costais tuarastail triúr oifigeach a bhí ag fónamh lasmuigh den Oifig ar feadh 2022 ar fad nó cuid di agus arbh í an Oifig a d'íoc a gcuid tuarastal leo.

Ní áirítear sa chuntas seo caiteachas i ndáil le 37 n-oifigeach a bhí ag fónamh lasmuigh den Oifig ar feadh na bliana 2022 ar fad nó cuid di i ranna/oifigí eile Rialtais agus arbh í an roinn óstach/an oifig óstach a d'íoc a gcuid tuarastal leo.

5.6 Ró-íocaíochtaí párolla

ag an 31 Nollaig	Líon na bhfaighteoirí	2022 €	2021 €
Ró-íocaíochtaí	11	16,833	—
Pleananna aisghabhála i bhfeidhm	4	4,993	—

5.7 Luach saothair agus sochair an Oifigigh Cuntasaíochta

Is mar seo a leanas a bhí luach saothair agus sochair inchánacha an Oifigigh Cuntasaíochta don bhliain airgeadais:

	2022 €000	2021 €000
Bunphá	<u>214</u>	<u>203</u>

Níl luach na sochar scoir a tuilleadh sa tréimhse ar áireamh thuas. Is comhalta den Scéim Aoisliúntais do Státseirbhísigh Bhunaithe tar éis 1995 é an tOifigeach Cuntasaíochta agus, chuige sin, ní théann a chuid teidlíochtaí thar théarmaí na scéime eiseamláirí seirbhíse poiblí.

Aguisín A Cuntais faoi choimirce Oifig an Ard-Aighne

Liostaítear sa tábla seo a leanas na comhlachtaí atá faoi choimirce Oifig an Ard-Aighne agus ar ina leith atá oibleagáid ar an Oifig ráitis airgeadais a chur i láthair. Tugtar le fios ann (amhail dáta sínithe an chuntais) an tréimhse lena mbaineann na ráitis airgeadais iniúchta deireanacha agus an tréimhse a cuireadh i láthair an Oireachtais iad.

Comhlacht	An tréimhse chuntasaíochta dheireanach	Dáta na tuarascála iniúchta	An dáta a fuair an tAire í	An dáta a cuireadh láthair an Oireachtais í
An Coimisiún um Athchóiriú an Dlí	2021	22 M.F 2022	9 Samh 2022	25 Samh 2022